

**KANTONALNA
PRIVREDNA
KOMORA TUZLA**

**BROJ 11 i 12/16,
novembar/decembar
2016. godine**



KOMORSKI INFORMATOR

2017

HAPPY NEW YEAR




Kantonalna privredna komora Tuzla



**VLADA TK I KOMORA
ZAJEDNO DO POVOLJNIJEG
POSLOVNOG AMBIJENTA**



**USVOJENI NACRTI PROGRAMA
RADA I FINANSIJSKOG PLANA
ZA 2017. GODINU**



**“PRIVREDA TK”
PREDSTAVLJENA NA SAJMU U
BANJALUCI**



**“PRIMA SOFA” – NOVA
ČLANICA KOMORE**

Komorski informator

Uvod

Poštovani čitaoci!



Veliko je zadovoljstvo učinjenim u toku 2016. godine, zbog zavidnog poslovanja ako se uzme u obzir kompletna situacija u kojoj privreda bh opstaje. Organi Kantonalne privredne komore Tuzla su na završnim sjednicima potvrdili takvu ocjenu što je dodatna i doza zadovoljstva, ujedno i podstreka za planiranje aktivnosti u narednom periodu. Ipak, mora se izdvojiti jedan događaj koji najviše "godí uhu", stvara jednu pozitivnu atmosferu, što je, priznaćemo, prilična rijetkost ovdje, sada i na ovim prostorima. U periodu smo, nažalost nešto dužem, u kojem je komorski sistem u nezavidnoj situaciju. Ovdje se ne misli samo na Bosnu i Hercegovinu nego na regiju generalno. Komore, ove privredne, pokušavaju i uspijevaju održati kontakt s privrednicima, povlače se određeni potezi od obostrane koristi, privrednici imaju i razumijevanja i strpljenja i volje i želje da budu partneri. Zajedno opstajemo. U okruženju, možemo to vidjeti, ima različitih precepcija i komentara na promjene u komorskom sistemu. Vrijeme će, kao i uvijek, pokazati koliko su pokrenuti procesi ispravni, koliko su doprinijeli stabilnosti komorskog sistema ili su pak, u drugu ruku bili teret i otežavajući faktor razvoja, djelovanja i opstanak u komorama regije, ovim privrednim. Da se vratim na onaj jedan događaj ugodan komorskom uhu. U Bosni i Hercegovini, kao preslika općeg stanja, komore su, ove privredne, prepuštene dobroj volji privrednika, mogućnostima firmi članica, dovrtljivosti menadžmenta da se opstane, "uvuče" u neke projekte, da se poveže, surađuje, spajaju dva dobro izlizada kraja. Država, kao takva, još uvijek ne pokazuje ni minimum želje i volje da komorski sistem dovede u red, dotjera novom, kvalitetnom, zajednički izadenom zakonskom procedurom, sistemski riješi problem komora, privrednih. U takvom ozračju, pružena ruka iz Vlade Tuzlanskog kantona na čelu s premijerom Begom Gutićem, Kantonalnoj privrednoj komori Tuzla izgleda nestvarno, ne na nivou bajke, ali optimistično, zadovoljavajuće. Potpisan je Sporazum o partnerskoj saradnji na unaprijeđenju privrede u Tuzlanskom kantonu, potpisnice u Vlada i Komora, privredna. Dokument na kojem se insistiralo desetljeće, kod vlada, premijera, ministara, no bezuspješno. Ova je potpisala. Donesene su smjernice realizacije svega onoga što stoji u Sporazumu a što bi trebalo da konačno znači kvalitetniju saradnju, više mogućnosti da se privredi bude servis, na usluzi, više prilike da se naprave pozitivni pomaci, više značaja Komori, ovoj privrednoj. Zato će se ova 2016. i zaključiti sa pozitivnim ozračjem upravo tog Sporazuma, u nadi da će nam svima Nova godina donijeti i nove pozitivne iskorake, polako ali sigurno, pomicanje i izlaženje iz onoga u čemu smo bili do sada. Zato, neka nam je svima sretan i uspješna Nova godina!!!

Dino Kalesić
gl. i odg. urednik



Komorski informator

Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 11 i 12/16,
novembar/decembar
2016. godine

IZDAVAČKI SAVJET:

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

REDAKCIJSKI KOLEGIJ:

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Adnan Imerović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	VLADA TK I KOMORA ZAJEDNO DO POVOLJNIJEG POSLOVNOG AMBIJENTA	4
	USVOJENI NACRTI PROGRAMA RADA I FINANSIJSKOG PLANA ZA 2017. GODINU	5
	NEOPHODNOST UDRUŽIVANJA I ZAJEDNIČKOG NASTUPA NA TRŽIŠTU	6
	NEOPHODNO PODUZETI AKTIVNOSTI NA SPRJEČAVANJU NELEGALNOG RADA U TURIZMU	7
	PROBLEM NELEGALNOG PRIJEVOZA PUTNIKA	8
	SNABDIJEVANJE SIROVINOM DRVOPRERAĐIVAČA U 2017. GODINI	9
	"PROGRAMI EVROPSKE UNIJE KAO IZVORI FINANSIRANJA PROJEKATA ZA UNAPRIJEĐENJE POSLOVNOG AMBIJENTA"	10
	ZLOUPOTREBA ZNAKA "ZELENA TAČKA"	11
	"PRIVREDA TK" PREDSTAVLJENA NA SAJMU U BANJALUCI	12
	NOVO PRIZNANJE "KREATIVI MARKETING" ZA "ZMAJ PIVO"	13
	PRIZNANJE ZA TRADICIONALNI OBRT "ARONIJA&OKANOVIĆ"	14
	"PRIMA SOFA" – NOVA ČLANICA KOMORE	15
	NA POMOLU ZNAČAJNA INVESTICIJA	16



Nastavak dobre saradnje Komore i Vlade...

Vlada TK i Komora zajedno do povoljnijeg poslovnog ambijenta

Potpisan Sporazum o partnerskoj saradnji na unaprjeđenju privrede u Tuzlanskom kantonu – Povećanje profitabilnosti, efikasnosti i konkurentosti - Kreiranje pretpostavki za razvoj privrede koja će generirati osnivanje novih firmi, povećanje zaposlenosti i GDP-a



Premijer Tuzlanskog kantona Bego Gutić i predsjednik Kantonalne privredne komore Tuzla potpisali su Sporazum o partnerskoj saradnji na unaprjeđenju privrede u Tuzlanskom kantonu. Predmet ovog sporazuma je saradnja Vlade i Kantonalne privredne komore u oblikovanju privrednog sistema, posebno u pripremi zakonodavstva iz oblasti privrede, mjera i mehanizama privrednog sistema i mjera ekonomske politike, stvaranja povoljnog poslovnog okruženja i ostalih aktivnosti koje su od interesa za unaprjeđenje privrede. Kako navode potpisnici konačni cilj je dati doprinos povećanju profitabilnosti, efikasnosti i konkurentosti, unaprijediti nastup u plasmanu proizvoda i usluga, stvoriti pretpostavke za racionalnije korištenje kapaciteta, te omogućiti zajednički pristup u procesu kreiranja pretpostavki za razvoj privrede koja će generirati osnivanje novih firmi, povećanje zaposlenosti i GDP-a.



„Očekujem da ovaj sporazum na jedan viši nivo podigne već postojeću izvrsnu saradnju koju imaju Vlada i Kantonalna privredna komora, a onda da ta dobra saradnja poluči benefit za privredu na našem kantonu“, rekao je premijer Tuzlanskog kantona Bego Gutić i ovu priliku iskoristio da pozove sve privredne subjekte koji još uvijek nisu članovi Kantonalne privredne Komore Tuzla, da se učlane u Komoru, te da putem Komore na kvalitetan i stručan način dođu do informacija bitnih za svoje poslovanje.

„Ovaj sporazum će sigurno unaprijediti postojeću saradnju Vlade Tuzlanskog kantona sa Kantonalnom privrednom komorom. Shodno Sporazumu mi ćemo formirati jedan Koordinacioni odbor koji će kandidirati projekte koje ćemo zajednički raditi, a sve u cilju unaprjeđenja privrede i poslovnog ambijenta u Tuzlanskom kantonu“ rekao je predsjednik Kantonalne privredne komore Tuzla Nedret Kikanović.

Potpisivanjem ovog sporazuma Vlada Tuzlanskog kantona i Kantonalna privredna komora Tuzla iskazali su svoju odlučno opredjeljenje ka stvaranju uslova za unaprjeđenje potencijala za povećanje izvoza, lakoće poslovanja, privlačenja investitora kreiranjem i predlaganjem mjera za poticanje ulaganja u privredu, predlaganje poticaja za korištenje domaćih roba i usluga kao i predlaganje mjera za poticanje brojne dijaspore za investiranje u privredu na području našeg kantona.

D.K.



Održana redovna sjednica UO Komore...

Usvojeni Nacrti Programa rada i Finansijskog plana za 2017. godinu

Usvojen je Pravilnik o radu i donesena Odluka o usklađivanju normativnih akata u Stručnoj službi - Izvršeno je povećanje plana prihoda u 2017. godini



Članovi Upravnog odbora Kantonalne privredne komore Tuzla, održali su VI redovnu sjednicu. Razmatrani su i sa manjim dopunama usvojeni dokumenti od značaja za rad u toku 2016. godina a istovremeno su i smjernice rada u narednoj godini. Riječ je o Finansijskom izvještaju za period I-IX 2016. godine, Nacrtu Programa rada, Nacrtu Finansijskog plana Kantonalne privredne komore Tuzla za 2017. godinu, Nacrtu izmjena i dopuna Statuta Kantonalne privredne komore Tuzla. Usvojen je Pravilnik o radu i donesena Odluka o usklađivanju normativnih akata u Stručnoj službi Kantonalne privredne komore Tuzla, kao i Odluke o nabavci i ugradnji LED displeja na zgradi Komore, značajna investicija i značajna komponenta za budući rad i privređivanje u Komori. Kada je u pitanju Program rada Kantonalne privredne Komore Tuzla u 2017. godini, istaknuto je kako će realizacija biti izvršena kroz aktivnosti organa Komore, putem sektora Udruženja, Sektora za edukaciju, promociju, regionalnu saradnju i odnose s javnošću i Stručne službe Komore. Sektor udruženja radiće na predlaganju i pokretanju inicijativa putem Upravnog odbora i Skupštine Komore, za donošenje izmjena zakona iz oblasti privrede koji će poboljšati rad članica Komore. Na osnovu Sporazuma o partnerskoj saradnji na unaprijeđenju privrede između Kantonalne privredne komore i Vlade Tuzlanskog kantona, rješavat će se zahtjevi članica Komore sa posebnim osvrtom na investicije (zapošljavanje, pokretanje proizvodnje, otvaranje novih radnih mjesta). Kada je u pitanju finansijska strana poslovanja, Plan poslovanja za 2017. godinu rađen je na osnovu ostvarenja poslovnih rezultata u 2016. godini, kao i projekcije i očekivanja kretanja poslovnih događaja za planski period u 2017. godini. Izvršeno je povećanje plana prihoda u 2017. godini u visini od 4 % u odnosu na procjenu izvršenja za 2016. godinu, a na osnovu očekivanja povećanja poslovne aktivnosti Komore, kao i realizacije određenih projekata u kojima Komora učestvuje. To se prije svega odnosi na povećanje prihoda po osnovu redovnih aktivnosti Komore, kao što su prihodi od seminara i edukacija, prihodi od zakupa poslovnih prostorija, prihodi po osnovu izdavanja certifikata, ATA-karneta i slično. U 2017. godini očekuje se povećanje aktivnosti Stručne službe Komore u njihovoj realizaciji. Kada su u pitanju promjene u komorskom Statutu, osnov za donošenje Prijedloga Odluke o izmjenama i dopunama Statuta Kantonalne privredne komore Tuzla sadržan je u racionalizaciji i smanjenju broja zaposlenih te je bilo neophodno izraditi novi Pravilnik o organizaciji i sistematizaciji radnih mjesta u Komori. Stekli su uslove i u ovoj godini su u zasluženu penziju ispraćena 4 uposlenika Komore (Esad Arnautović, Alma Šehić, Sabina Čolo i Milica Vujec). Usvojen je prijedlog da se ukida mjesto potpredsjednika Komore, pa je s tim u vezi i donesena Odluka o razrješenju dosadašnjeg potpredsjednika Esada Arnautovića. Istovremeno da se Komora organizuje u tri sektora: Sektor Udruženja, Sektor za edukaciju, promociju, regionalnu saradnju i odnose s javnošću i Sektor za finansije i opće poslove. Svaki sektor će imati rukovodioca sektora određenog iz postojećeg kadra Komore. Ovakvom reorganizacijom će se izvršiti bolja raspodjela posla te povećati efikasnost i unaprijediti poslovanje i kvalitet usluga koje se pružaju članicama Komore. Donesena je Odluka da članovi UO usvajaju Pravilnik o radu Komore a za donošenje ostalih normativnih akata koji proizilaze iz ovog pravilnika ovlaštava predsjednik Komore. Ovom izmjenom se ubrzava i olakšava usklađivanje akata što povećava efikasnost poslovanja.



Na sjednici je, a na osnovu člana 118. Zakona o radu i člana 28. Statuta Kantonalne privredne komore Tuzla, Upravni odbor donio i Pravilnik o radu Komore. Kantonalna privredna komora Tuzla u cilju promovisanja i pružanja što kvalitetnijih usluga svojim članicama, odlučila je da za pružanje kvalitetnije i bolje usluge svim članicama obezbjedi LED displej. Na osnovu ukazanih potreba za što boljim prezentacijama i promocijama naših članica, a shodno tržišnim mogućnostima, izvršena je procjena koja ukazuje da bi se značajno podigao nivo usluga koje Komora pruža u okviru promocija i prezentacija privrede TK-a, kroz nabavku i postavljanje LED displeja na zgradi Komore. Predviđeni prostor potencijalno je jako interesantan potencijalnim oglašivačima, a samim tim i firmama članicama. Inače, članice koje participiraju u radu Komore imaju određene pogodnosti koje sigurno donose određene finansijske benefite. Postoje mogućnosti da i određene servisne informacije koje su bitne za Grad Tuzlu i Kanton stalno budu prezentirane putem LED displeja, web stranice i komorskog servisa, istaknuto je na sjednici UO Komore, posljednjoj u 2016. godini.



Iz Udruženja za energetiku, rudarstvo i industriju...

Neophodnost udruživanja i zajedničkog nastupa na tržištu

Unapređenje poslovanja, razvoj i reindustrijalizacija mašinske i elektroindustrije na području Tuzlanskog kantona - Predstavljena su postignuća firme Holding Tehnika "Tehnopetrol" doo Tuzla



U Udruženju za energetiku, rudarstvo i industriju Kantonalne privredne komore Tuzla, upriličena je redovna sjednica Odbora Udruženja. Raspravljalo se o unapređenju poslovanja, razvoj i reindustrijalizacija mašinske i elektroindustrije na području Tuzlanskog kantona a predstavljena su i postignuća firme Holding Tehnika "Tehnopetrol" doo Tuzla. Diskusija je u razmatranju mogućnosti unaprjeđenja poslovanja na području Tuzlanskog kantona, fokusirana na moguću viziju zajedničkog nastupa na tržištu. Istaknute su i prethodne aktivnosti na realizaciji ideje zajedničkog poslovanja, udruživanja e po ugleda na nekadašnji primjer firme „Umel“ Tuzla, svim u ovoj oblasti i učesnicima skupa, dobro poznat. I u drugim velikim sistemima je bilo sličnih primjera iznalaženja modela zajedničkog nastupa na tržištima. Trenutna situacija u privredi Tuzlanskog kantona, koja je ostala bez privrednih giganta, a koja ne nudi velike obime posla, obuhvata malo tržište, upućuje na neophodnost ovakvog djelovanja e u cilju sticanja konkurentnije pozicije na tržištu. Brojni učesnici izuzetno dobro posjećenog i kvalitetno organizovanog sastanka, uzeli su učešće u diskusiji i afirmativno se izrazili o potrebi udruživanja firmi koje mogu pružati usluge na izgradnji i održavanju energetske objekata i da u tom smislu treba nastaviti aktivnosti. Elvir Ferizović predsjednik uprave Tehnika Holding Tehnopetrol dao je potom i kratak osvrt na razvoj preduzeća, trenutne teškoće u poslovanju i apostrofirao potrebu nekog oblika ujedinjavanja firmi i nastavka aktivnosti u tom pogledu, ranije započetih, a sve u cilju povećanja konkurentnosti na domaćem i ino tržištu. Posebno je ukazao na dosadašnja iskustva u nastupu na tržištu kao konzorcij sa firmama iz metalnog i elektro sektora. Na ovom skupu su, predstavljajući postignuća firme HOLDING TEHNIKA "Tehnopetrol" doo Tuzla, u impresivnoj prezentaciji kao i publikaciji urađenoj na našem i engleskom jeziku istaknute osnovne karakteristike. Rečeno je kako je riječ o firmi, članu Holdina Tehnika Tuzla koja se bavi projektovanjem, nadzorom, proizvodnjom, uslugama, remonto-montažnim radovima na industrijskim i energetskim objektima, zastupanjem i prometom naftnih derivata, i koja samostalno posluje od 1997. godine. Rečeno je da je preduzeće organizovano u tri organizacione jedinice koje imaju veliki stepen organizacione samostalnosti. Jedinice su podijeljene na organizacione jedinice Projektovanje i tehnička priprema i Proizvodnja i remonto-montažni radovi te radna jedinica Zastupanje i trgovina naftnim derivatima. ističu zadovoljstvo poslovanja sa značajnim klijentima kao što su JP Elektroprivreda BiH Sarajevo, Termoelektrana Tuzla, Termoelektrana Kakanj, RMU Kakanj, RMU Zenica, RMU Banovići, Tvornica cementa Heidelberg Kakanj, Fabrika cementa Lukavac, Arcelormittal Zenica, Natron Hayat Maglaj, Soda Sisecam Lukavac itd. Proizvodni program su: transportni sisemi, oprema u energetici i rudarstvu te čelične konstrukcije i usluge. Osnovne karakteristike preduzeća su fleksibilnost i visoka radna sposobnost za izvršenje preuzetih zadataka. Kao ključ uspjeha istaknut je kvalitet radnika (radnici sa dugogodišnjim iskustvom), te njihova tehnička osposobljenost. U preduzeću je zaposlen veliki broj inženjerskog i visoko kvalifikovanog radno proizvodnog kadra, kao i zavidne reference na projektovanju, izgradnji i održavanju privrednih objekata, rečeno je na kraju redovne sjednice Odbora Udruženja za energetiku, rudarstvo i industriju Kantonalne privredne komore Tuzla.

Pripremio: Nurudin Žunić, dipl. ing. el.
Sekretar udruženja



Iz Udruženja za trgovinu, ugostiteljstvo i turizam...

Neophodno poduzeti aktivnosti na sprječavanju nelegalnog rada u turizmu

Održana redovna sjednica Odbora Udruženja – Podrška resornog ministra Gluhića –
Zajednički doneseni zaključci, prijedlozi i naredne aktivnosti



Članovi Odbora Udruženja za trgovinu, ugostiteljstvo i turizam Kantonalne privredne komore Tuzla u priširenom su sastavu održali redovnu sjednicu. Razgovaralo se o nepravilnostima u obavljanju turističke djelatnosti na području Tuzlanskog kantona. Tom prilikom, Mirsadu Gluhiću ministru za trgovinu, turizam i saobraćaj u Vladi Tuzlanskog kantona, predstavnici firmi članica Udruženja prezentovali su niz primjera nelegalnog rada u oblasti turizma, konkretno, vezanih obavljanje turističke djelatnosti od strane subjekata koji nisu registrovani za obavljanje turističke djelatnosti. Ministar Gluhić je izrazio spremnost da pomogne u rješavanju dugogodišnjih problema. Zajednički se došlo do određenih zaključaka, prijedloga za naredne korake i od ministra je obećana puna podrška, saradnja i maksimalna pomoć. Upoznali su članovi Odbora ministra da se već godinama raspravlja o nelegalnom radu. Da se poduzimalo niz aktivnosti: bezuspješno pokušavalo doći do rješenja, brojnim dopisima kantonalnim i federalnim ministarstvima, inspekcijama, nadležnim institucijama. Činjenica, bilo je i određenih pozitivnih reakcija na zahtjeve i primjedbe iz Udruženja. Kantonalnoj upravi za inspeksijske poslove nekoliko puta su prezentovani konkretni primjeri nelegalnog rad, izlazili su na teren, evidentirali nepravilnosti i nisu bili u mogućnosti poduzeti daljnje korake. Zajednički je stav sa sastanka u Komori, da je neophodno poduzeti kvalitetnije mjere u sprječavanju nelegalnog rada, neophodno je pojačati inspeksijske nadzore a svakako se očekuje drastičnije kažnjavanje počinitelja prekršaja. Potrebna je kvalitetnija saradnja inspeksijskih organa sa privrednim subjektima koji uredno posluju i imaju uredne registracije, analiza i korekcija postojeće zakonske regulative a predlaže se već godinama kvalitetnija saradnja među kantonalnim ministarstvima kako bi se stalo u kraj nelegalnom radu (MUP, ministarstvo trgovine i turizma, MONKS).



Nije isključeno ni pokretanje donošenja nove zakonske regulative kojom bi se suzbila siva ekonomija. Predloženi su i određeni projekti koje bi bilo dobro pokrenuti a koji se već godinama predlažu kroz Programa rada ovog komorskog Udruženja. Odnose se na pokretanje kvalitetnijih kampanja za sprječavanje nelegalnog rada, aktivnosti na kvalitetnijem povezivanju svih turističkih zajednica, agencija, institucija koje se bave turizmom, jaču promociju domaćih turističkih potencijala, privlačenje turista. Dugo se predlaže izrada turističke ponude Tuzlanskog kantona za ekskurzijska putovanja i dolaske iz drugih dijelova Bosne i Hercegovine pa i inostranstva. Evidentno je da je problem veliki,

dugotrajan, da ima puno problema na terenu. Isto tako, puno je prijedloga, zaključaka i očekivanja od resornog ministra i njegovih saradnika a sve u cilju zaustavljanja nelegalnog rada i direktnog nanošenja štete budžetu Tuzlanskog kantona.

D.K.



Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o četiri kancelarije površine oko 15 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-551 ili putem maila edina@kpktz.ba.



Iz Udruženja za promet i komunikacije...

Problem nelegalnog prijevoza putnika

Sastanak sa prijevoznicima u linijskom prijevozu putnika na području TK - Saopćenje iz Ministarstva za trgovinu, turizam i saobraćaj TK



Ministarstvo trgovine, turizma i saobraćaja TK je u saradnji sa Udruženjem za promet i komunikacije – Sekcija za unutrašnji promet putnika pri Kantonalnoj privrednoj komori organizovalo sastanak sa svim prijevoznicima u linijskom prijevozu putnika na području Tuzlanskog kantona kao i sa nadležnim organima zaduženim za oblast prijevoza. Na sastanku je razmatrana aktivnost na usklađivanju kantonalnih redova vožnji na području Tuzlanskog kantona, problematika vezana za funkcionisanje linijskog prijevoza putnika na području Tuzlanskog kantona, kao i aktivnosti na suzbijanju nelegalnog prijevoza (licence prijevoznika, licence za vozila, tehnička ispravnost autobusa, inspeksijski pregled, korištenje autobuskih stajališta od strane taksi vozila i dr.). Nakon ovog sastanka sa koje je iz Ministarstva upućeno saopštenje vezano za rješavanje nelegalnog prijevoza putnika na području Tuzlanskog kantona:

“Sa namjerom da se dinamiziraju aktivnosti na rješavanju nagomilanih problema u funkcionisanju prijevoza putnika i suzbijanju nelegalnog rada u oblasti prijevoza na području Tuzlanskog kantona, a naročito u oblasti taksi prijevoza, kao i da se sagledaju pravci budućeg djelovanja, u organizaciji Ministarstva trgovine, turizma i saobraćaja TK je održan sastanak sa svim relevantnim subjektima koji mogu doprinjeti da se stanje u ovoj oblasti značajnije popravi. Na sastanku je istaknuto da su Ministarstvo trgovine turizma i saobraćaja, odnosno Vlada TK predlaganjem, a Skupština TK donošenjem izmjena i dopuna Zakona o cestovnom prijevozu putnika na području Tuzlanskog kantona (u julu 2016. godine) omogućili nadležnim organima da se na efikasniji način uključe u borbu protiv nelegalnog prijevoza putnika na području Tuzlanskog kantona, a pogotovo u problem nelegalnog taksi prijevoza. Izmjenama i dopunama Zakona o cestovnom prijevozu putnika na području Tuzlanskog kantona između ostalog je na precizniji i kvalitetniji način definisano uređenje pružanja usluga taksi prijevoza na području općina/ grada Tuzla na području Tuzlanskog kantona, čime je omogućen lakši i efikasniji rad kontrolnih organa (inspekcije i policije) koji vrše kontrolu nelegalnog rada u oblasti taksi prijevoza. Takođe, cilj sastanka je bio i da se razmotri Informacija osprovođenju mjera na suzbijanju nelegalnog rada u oblasti prijevoza putnika na području Tuzlanskog kantona u periodu I – IX 2016. godine, da se izvrši komparacija rezultata rada u prvih devet mjeseci 2016. godine sa rezultatima rada u istom periodu 2015. godine, te da se u skladu sa tim odrede smjernice za budući rad. Učesnici sastanka su istaknuli da se problem nelegalnog prijevoza na području TK mora rješavati multidisciplinarno, odnosno u rješavanju navednog problema težište aktivnosti mora biti na

kontrolnim organima (Kantonalna uprava za inspeksijske poslove TK i Ministarstvo unutrašnjih poslova TK), ali značajnu ulogu moraju uzeti i druge institucije (Ministarstvo trgovine, turizma i saobraćaja TK, nadležne općinske/gradska službe zadužene za oblast saobraćaja, Udruženja taksi prijevoznika na području TK, Udruženje za promet i komunikacije - Sekcija za unutrašnji promet putnika pri Kantonalnoj privrednoj komori, Sindikat drumskog saobraćaja, zainteresovani prijevoznici i dr.). Samo kontinuirana aktivnost i sinergijsko djelovanje svih nadležnih organa i institucija u narednom periodu može rezultirati da se stanje u oblasti prijevoza, a naročito u oblasti taksi prijevoza, na području Tuzlanskog kantona u značajnijoj mjeri poboljša, odnosno da se obezbjedi poslovni ambijent koji će dati šansu prijevoznicima koji legalno obavljaju djelatnost prijevoza da mogu nesmetano obavljati djelatnost za koju su registrovani i ostvarivati prihode, na osnovu kojih će uredno izmirivati obaveze prema društvenoj zajednici”.



Osim predstavnika Ministarstva trgovine, turizma i saobraćaja TK koji su bili organizatori navedenog sastanka, sastanku su prisustvovali i predstavnici Ministarstva unutrašnjih poslova TK, Kantonalne uprave za inspeksijske poslove TK, Udruženja taksi prijevoznika i predstavnici taksista, Udruženje za promet i komunikacije - Sekcija za unutrašnji promet putnika pri Kantonalnoj privrednoj komori, predstavnici nadležne općinske/gradska službe zadužene za oblast saobraćaja i dr. Na kraju sastanka predstavnici Udruženja taksista „TUZLA-TAXI“ Tuzla su se dodjeljivanjem zahvalnica ministru Mirsadu Gluhiću, pomoćniku ministra za saobraćaj Nenadu Lukanoviću i stručnom savjetniku Bilalu Tulumoviću zahvalili na dosadašnjoj korektnoj saradnji sa Ministarstvom ističući da su taksisti istinski zadovoljni sa dosadašnjim radom i zalaganjem na uspostavljanju zakonskog okvira u oblasti taksi prijevoza, odnosno aktivnostima koje sprovodi Ministarstvo sa ciljem eliminisanja nelegalnog rada u oblasti taksi prijevoza kao i sa brzinom rješavanja njihovih zahtjeva.

D.K.



Iz Udruženja za šumarstvo i preradu drveta...

Snabdijevanje sirovinom drvoprerađivača u 2017. godini

Sirovinu iskoristiti na najbolji mogući način - Drvoprerađivački kapaciteti u TK daleko veći od mogućnosti "Šuma TK"



Udruženje za šumarstvo i preradu drveta Kantonalne privredne komore Tuzla u saradnji s JP "Šume Tuzlanskog kantona" d.d. Kladanj održalo je sjednicu Odbora Udruženja u proširenom sazivu na kojoj su razmatrane mogućnosti snabdijevanja sirovinom drvoprerađivača u 2017. godini. Suad Selimović sekretar Udruženja za poljoprivredu i prehrambenu industriju Kantonalne privredne komore Tuzla ističe da će količine sječe drveta u 2017. biti ograničene. Imajući u vidu da je na području TK-a dosta razvijena drvnoprerađivačka industrija, zahtjevi drvoprerađivača su, kaže, dosta veći. "Želimo da na transparentan način zajedno s predstavnicima "Šuma TK" otvorimo diskusiju o kriterijima, načinu raspodjele, te da onoliko koliko imamo sirovine iskoristimo na najbolji način", izjavio je Selimović. Navodi da je cilj da veće količine drveta odu u finalnu preradu, kako bi se dobila i veća vrijednost drveta, a i zaposlili novi radnici. V.d. direktorice JP "Šume TK" Nermine Mahmutović naglašava da je današnji sastanak s drvoprerađivačima s područja TK-a upriličen s ciljem da im se predstave proizvodni planovi za 2017. te da se na transparentan i zajednički način uspostavi sistem prodaje i raspodjele, koji će dati najveći efekt za širu društvenu zajednicu. Mahmutović tvrdi da već duži period na području TK-a

postoje instalirani drvoprerađivački kapaciteti, koji su daleko veći od mogućnosti "Šuma TK" da zadovolje njihove potrebe. Zahtjevi kupaca su čak, kako ističe, i trostruko veći od proizvodnih mogućnosti. Drvoprerađivači na području TK-a zapošljavaju oko 4.000 radnika, a JP "Šume TK" pokriva 80.000 hektara.

Komora i "Klub potrošača TK"...

Radionica : educiranje potrošača

Edukacija o zakonodavnom i institucionalnom okviru za zaštitu potrošača u Bosni i Hercegovini



Kantonalna privredna komora Tuzla i Udruženje potrošača "Klub potrošača TK" organizovali su radionicu Agencije za nadzor nad tržištem u Bosni i Hercegovini s ciljem da što veći broj privrednika kao i potrošača budu educirani o zakonodavnom i institucionalnom okviru za zaštitu potrošača u Bosni i Hercegovini, uključujući moguće načine rješavanja potrošačkih sporova. Agencija za nadzor nad tržištem u Bosni i Hercegovini jedna je od ključnih institucija koje svojim radom doprinose sigurnosti i kvalitetu predmeta opće upotrebe na tržištu Bosne i Hercegovine, ali i poboljšanju konkurentnosti i povećanju mogućnosti izvoza sigurnih proizvoda na evropsko i druga tržišta. Pozivamo Vas da prisustvujete ovoj radionici – da kroz prezentaciju dođete do važnih informacija o standardima sigurnosti predmeta opće upotrebe, o načinima provođenja nadzora na tržištu, mjerama koje Agencija poduzima da bi se eliminisali sa tržišta predmeti opće upotrebe nesigurni za potrošače ukoliko takve predmete Agencija pronade na tržištu kao i o aktivnostima koje očekuju Agenciju u pristupnom periodu ka Evropskoj uniji.

D.K.



Održan Okrugli stol u Komori...

“Programi Evropske unije kao izvori finansiranja projekata za unaprijeđenje poslovnog ambijenta”

Predavač na okruglom stolu Kornelija Mlinarević, pročelnica Upravnog odjela za programe i projekte Europske unije i gospodarstvo Gradske uprave Osijeka, dugogodišnja izvršna direktorica Regionalne razvojne agencije Slavonije i Baranje, promotorica projekta kandidature Osijeka za Europsku prijestolnicu kulture 2020.



Kantonalna privredna komora Tuzla i Ekonomski fakultet Univerziteta u Tuzli a u okviru obilježavanja 40 godina postojanja i rada Univerziteta u Tuzli i Ekonomskog fakulteta, organizovali su okrugli sto pod nazivom: “Programi Evropske unije kao izvori finansiranja projekata za unaprijeđenje poslovnog ambijenta”. Kako je istaknuto na ovom skupu iskustva ukazuju na to da Bosna i Hercegovina ne koristi dovoljno sredstva koje za razvoj različitih projekata nude fondovi Evropske unije. Upravo je ovaj okrugli stol organizovan kako bi se govorilo o programima Evropske unije kao izvorima finansiranja projekata za razvoj poslovnog ambijenta ali i poboljšanje infrastrukture. Cilj okruglog stola je bio da se razmijene međusobna iskustva i razmotre mogućnosti

saradnje kod korištenja fondova Evropske unije za finansiranje projekata za unaprijeđenje poslovnog ambijenta. U tu svrhu su angažovani uvodničari okruglog stola, istinski stručnjaci, ljudi iz prakse i sa dugogodišnjim iskustvom u pripremi i implementaciji projekata u svojim lokalnim zajednicama. Kako je istakla Ermina Smajlović, dekanesa Ekonomskog fakulteta Univerziteta u Tuzli oko 167 miliona eura je u predpristupnim fondovima Evropske unije namijenjeno za Bosnu i Hercegovinu, međutim još uvijek ta sredstva se ne koriste u punom kapacitetu. **“Zbog toga su predstavnici viših nivoa vlasti, udruženja i lokalnih zajednica upoznati sa načinima apliciranja i pripreme projekata za pristup sredstvima IPA fondova. Iako su sredstva na raspolaganju javnom i realnom sektoru, privrednici se rijetko odlučuju za apliciranje. Privrednici nažalost još uvijek nisu prepoznali ni su upoznati sa prepristupnim fondovima Evropske unije. I svrha Okruglog stola je da se oni upoznaju sa mogućnostima korištenja a u daljem koraku bi im trebali pomoći pri pisanju i realizaciji projekata. S tim u vezi Ekonomski fakultet Univerziteta u Tuzli im otvara svoja vrata i stoji na raspolaganju”**, izjavila je dekanesa Smajlović.

Kantonalna privredna komora Tuzla je i u prethodnom periodu organizovala niz skupova, okruglih stolova, edukacija za privrednike kako bi ih što kvalitetnije pripremila za apliciranje u raznim EU fondovima, istakao je Nedret Kikanović predsjednik Kantonalne privredne komore Tuzla. **“Mi prije svega želimo vidjeti šta je moguće povući od sredstava vezanih za infrastrukturu u Tuzlanskom kantonu te smo pozvali sve lokalne zajednice i javna preduzeća da vidimo mogućnosti u tom pogledu da projekte bitne za razvoj Kantona možemo aplicirati na sredstva euro fondova”**, rekao je predsjednik Kikanović. Veliki broj zainteresovanih za ovu temu prisustvovalo je okruglom stolu u Komori i na veliko zadovoljstvo imali priliku čuti predavanja koja su održali gosti među kojima je bio i Almir Peštek profesor sa Ekonomskog fakulteta Sarajevo



Gošća iz Hrvatske, Kornelija Mlinarević pročelnica Upravnog odjela za programe i projekte Europske unije i gospodarstvo Gradske uprave Osijeka, jedna od najiskusnijih stručnjakinja kada je u pitanju povlačenje sredstava iz EU fondova, osoba sa bogatim znanjem i iskustvom koje nesebično dijeli, i na okruglom stolu u Komori jer imala zanimljivo izlaganje. Pročelnica Mlinarević, koja je inače bila dugogodišnja izvršna direktorica Regionalne razvojne agencije Slavonije i Baranje, potvrdila je da u Osijeku sve razvojne projekte nastoje finansirati putem fondova. **“Bosna i Hercegovina svakako ima potencijal za iskorištavanje fondova naročito kroz razvoj djelatnosti poput turizma. No, s druge strane moram istaći da se ponuđena i planirana sredstva definitivno nedovoljno koriste. Činjenica je i da nije lako uspostaviti sve strukture za korištenje tih sredstava. Svi pomalo kasnimo, hvatamo korak sa onim što bi zaista mogli, treba planirati, treba se ekipirati. Uvijek smo mi u Osijeku i široj regiji otvoreni Bosni i Hercegovini za partnerstvo za zajedničke pokušaje, razmjenu iskustava”**, izjavila je pročelnica Mlinarević. Kao razloge nedovoljnog korištenja sredstava iz EU fondova, pročelnica Mlinarević je navela različite pristupe institucija, ljudi, ozbiljnosti u pripremi, pripremanju na vrijeme, u različitim politikama, uglavnom – kasnimo, zaključila je Kornelija Mlinarević koja je imenovana promotoricom projekta kandidature Osijeka za Europsku prijestolnicu kulture 2020.

D.K.



Riješeno pokretanje postupka Komore Tuzla pred Konkurencijskim vijećem

Zloupotreba znaka “Zelena tačka”

Ekopak ograničavao tržišnu konkurenciju zloupotrebom znaka “Zelena tačka”



Kantonalna privredna komora Tuzla pokrenula je postupak pred Konkurencijskim vijećem BiH u vezi zloupotrebe međunarodno zaštićenog znaka “Zelena tačka”, odnosno zbog određenih pogodnosti koje je privredni subjekt Ekopak imao u pogledu pribavljanja i korištenja znaka, dok iste pogodnosti klijentima njihovih konkurenata nisu bile dostupne. Navedeno je ovo u saopćenju za medije sa 134. sjednice Konkurencijskog vijeća BiH a prenose brojni bh mediji. Naime, na 134. sjednici Konkurencijskog vijeća BiH koja je održana početkom novembra, usvojeno je rješenje kojim je utvrđeno da Ekopak d.o.o., društvo za postupanje sa ambalažnim otpadom Sarajevo, sprječava, ograničava i narušava tržišnu konkurenciju u oblasti ustupanja prava na korištenje međunarodno zaštićenog znaka “Zelena tačka” na obilježavanju proizvoda na tržištu u Bosni i Hercegovini. Ta zloupotreba vršena je na način da su privredni subjekti koji su zbrinjavali i upravljali ambalažni otpad putem privrednog subjekta Ekopak imali određene pogodnosti u pogledu pribavljanja i korištenja znaka „Zelena tačka”, dok iste pogodnosti klijentima njihovih konkurenata nisu bile dostupne. Time se zloupotrebljavao dominantan položaj primjenom različitih uslova za istu ili sličnu vrstu poslova sa ostalim stranama, u smislu člana 10. stav (2) pod c) Zakona. **“Rješenjem se zabranjuje svako dalje postupanje privrednog subjekta Ekopak d.o.o., društvo za postupanje sa ambalažnim otpadom u smislu zloupotrebe dominantnog položaja. Privrednom subjektu Ekopak d.o.o. je naloženo da u roku 15 (petnaest) dana od dana prijema Rješenja uskladi svoje poslovanje na način da u potpunosti odvoji djelatnost upravljanja ambalažom i ambalažnim otpadom od ustupanja prava na korištenje međunarodno zaštićenog znaka ‘Zelena tačka’, te da osigura da svi zainteresovani privredni subjekti imaju jednak pristup i pogodnosti prilikom ustupanja prava na korištenje znaka ‘Zelena tačka’, isključenjem dodatnih pogodnosti svojim klijentima, odnosno klijentima koji zbrinjavaju i upravljaju ambalažni otpad putem privrednog subjekta Ekopak, prilikom ustupanja prava na korištenje znaka ‘Zelena tačka’, i naj taj način omogući jednake uslove za sve privredne subjekte na relevantnom tržištu. Rješenjem je također izrečena novčana kazna privrednom subjektu Ekopak d.o.o., društvo za postupanje sa ambalažnim otpadom, zbog kršenja odredbi**

Zakona o konkurenciji, u iznosu od 6.500,00 KM”, saopćeno je iz Konkurencijskog vijeća BiH.



“Rješenje kojim je ocijenjena dopuštenom koncentracija na tržištu trgovine teškog i lakog obojenog metalnog otpada kao i tržištu prikupljanja/obrade teškog i lakog obojenog metalnog otpada u Bosni i Hercegovini koja će nastati stjecanjem kontrole privrednog subjekta Chiho-Tiande Group Limited, Cricket Square, Hutchins Drive PO Box 2681, Veliki Kajman, Kajmanska ostrva, nad privrednim subjektom Scholz Holding GbmH, Essingen, Republika Njemačka kupovinom 100,0% vlasničkih udjela”, stoji na kraju saopćenja Konkurencijskog vijeća BiH.

D.K.



Sajamske aktivnosti...

“Privreda TK” predstavljena na sajmu u Banjaluci

“Jesenji sajam” koji organizira Banjalučki velesajam, a povezala je 20. Međunarodni sajam poljoprivrede i prehrambene industrije “AGROS 2016”, pa 20. Međunarodni sajam turizma i ugostiteljstva i na kraju 20. Međunarodni sajam lova, ribolova, sporta i ekologije “LORIMES 2016”



Zahvaljujući izvanrednoj međukomorskoj saradnji, poslovnim i prijateljskim vezama sa Područnom privrednom komorom Banjaluka i direkcijom Banjalučkog velesajma, Kantonalna privredna komora Tuzla uspjela je obezbijediti nastup na još jednoj značajnoj sajamskoj manifestaciji. Riječ je o manifestaciji “Jesenji sajam” koju organizira Banjalučki velesajam, a povezala je 20. Međunarodni sajam poljoprivrede i prehrambene industrije “AGROS 2016”, pa 20. Međunarodni sajam turizma i ugostiteljstva i na kraju 20. Međunarodni sajam lova, ribolova, sporta i ekologije “LORIMES 2016”. Sa velikim zadovoljstvom a i na opšte prihvaćeni poziv na učešće upućen članicama Komore, organizovali smo i sufinansirali zajednički nastup, stalno to ističemo, već tradicionalnu zajedničku postavku pod nazivom “Privreda TK”. I nismo pogriješili. Po prvi put smo na predstavili firme koje su članice Komore na ovoj manifestaciji, uspostavili nove kontakte, otvorili nove mogućnosti saradnje i udarili čvrste temelje nastupa u narednim godinama. Ovu ocjenu dijelom sa našim firmama, učesnicama zajedničke postavke, posebno onima koje su zaslužile priznanja. I zaista, kako se u pozivu i isticalo, tokom četiri dana trajanja sajma, firme i njihovi partneri imali su izuzetno kvalitetnu priliku izložiti svoje proizvode, predstaviti najnovije u ponudi proizvodnje i usluga, razmijeniti iskustva

sa brojnim izlagačima prisustvovati kvalitetnim sajamskim sadržajima. Pored stalne izložbene postavke, u okviru manifestacije je upriličeno predstavljanje finansijskih potencijala za mala i srednja preduzeća, sastanci sa stranim investitorima, promocija proizvoda iz segmenta „Naše je bolje”, stručne prezentacije i okrugli sto. Osim što je ovaj sajam objedinio tri srodne sajamske manifestacije u jednu, ove godine obilježio je i 20 godina postojanja i rada, što je bio i razlog više za dobru posjećenost. Sajam u Banjaluci okupio je oko 130 izlagača i oko 300 učesnika i kao jubilarni zabilježio povećanje broja izlagača u odnosu na prethodne. Održavanje sajma podržalo Ministarstvo trgovine i turizma Republike Srpske a pored firmi koje su predstavljene na izložbenim prostorima privrednih komora iz Bosne i Hercegovine, zabilježen je nastupi firmi u okviru postavki koje su organizovale privredne komore Zaječara, Zrenjanina, Valjeva i Beograda.



“Privreda TK” privukla brojne posjetioce

Ponudili smo brojnim posjetiocima sajma brojne proizvode koji dolaze sa području Tuzlanskog kantona. Veliku pažnju su privukli sokovi iz firmi Voćni rasadnik Srebrenik te “Aronija&Okanović” koja je zaslužila i Plaketu na sajmu. Veliki je broj najmlađih posjetilaca uživao u proizvodima “Corn flips” Srebrenik, “Piemonte” Tuzla, u čokoladnim užicima savremeno i nadahnuto upakovanim u aranžmane iz “Seif” Kalesija. Vrhunskim rakijama i programom salata našem štandu privukla je posjetioce “Fana” Srebrenik. Na Banjalučkom velesajmu u rukama posjetilaca bila je “Ajna” voda iz “City center” BCC Izvorište Tušanj Tuzla. Osvježeno je nakon dugo vremena za posjetioce na sajmovima sa postavkom Privrede TK i asortiman Fabrike deterdženata “Dita” Tuzla. Nesmanjenim intenzitetom sa posjetioci zanimaju za proizvode “Solane” dd Tuzla, “Pivare” dd Tuzla, prirodna i kvalitetna ulja iz “Porta Naturae” d.o.o. Srebrenik, a veliko zanimanje je vladalo za reklamni materijal kojim

se promoviše turistička ponuda Tuzlanskog kantona, ovoga puta su nastupili “Hotel Tuzla”, “JKP “Pannonica” doo Tuzla, Turistička zajednica Tuzlanskog kantona i turističke agencije “Golden tours” Tuzla i “Hit” Tuzla. “Kreativa marketing” doo Tuzla je i na ovoj manifestaciji zaslužila nagradu, Plaketu za kvalitet proizvoda za “Zmaj pivo”.



Novi sudionik naše zajedničke postavke, firma čiji su proizvodi privukli i mlade i one nešto starije je “Mi99” Gradačac, kroz degustaciju i promociju, ponudila je posjetiocima izuzetno kvalitetno mlijeko i jogurt. Kako je sajam u Banjaluci bio sredinom novembra, zaključio je ovogodišnje sajamske aktivnosti Kantonalne privredne komore Tuzla. Brojne sajamske aktivnosti, zadovoljstvo naših firmi članica Komore, osvojen priznanja i nagrade, obaveza su nam da i u 2017. godini održimo kontinuitet sajamskih nastupa i predstavljanja svega onoga što nudi “Privreda TK”.

Pripremio: Dino Kalesić



Uspjeh firme članice Komore...

Novo priznanje “Kreativi marketing” za “Zmaj pivo”

Kreativa marketing” doo Tuzla, vlasnik licence i generalni distributer za BiH “Zmaj piva” – Plaketa za kvalitet proizvoda za “Zmaj pivo”



Na nedavno održanom jubilarom 20. po redu međunarodnom sajmu hrane i pića “Agros 2016” u Banjaluci, predstavilo se nekoliko privrednih subjekata sa područja Tuzlanskog kantona. Među njima, kao stalni učesnik zajedničke sajamske postavke pod nazivom “Privreda TK”, nastupila je i “Kreativa marketing” doo Tuzla, vlasnik licence i generalni distributer za BiH “Zmaj piva”. Bila je i ovo prilika da se posjetiocima sajma ponudi “Zmaj pivo” na degustaciju, prvi kontakt sa novim domaćim proizvodom, pivom koje se pod strogom kontrolom i usvojenim najvišim standardima proizvodi u Hercegovačkoj pivari u Mostaru. Reakcije su bile pozitivne, tražila se čaša više a ujedno su pozitivne kritike stizale od učesnika i posjetilaca sajama i na račun dizajna etikete piva, naziva, roll up banera, generalno na račun sada već jakog brenda “Zmaj”. Vlasnici “Kreativa marketing” su potražili i mišljenja stručnjaka, baš kao što je u posljednjih nekoliko mjeseci učinjeno na niz značajnih sajamskih manifestacija u zemlji i inostranstvu. Zatražena je ocjena kvalitete od stručne komisije pa sada značajnim priznanjima sa sajmovi u Gradačcu, Zrenjaninu, Zaječaru, Zenici, Bihaću, na zidovima ureda “Kreativa marketinga”, društvo pravi i priznanje iz Banjaluke. “Kreativi marketing” je dodjeljena Plaketa za kvalitet proizvoda za “Zmaj pivo”. Šest zlatnih medalja za kvalitet na isto toliko sajmovi u zemlji i inostranstvu su garanci kupci piju pivo vrhunskog kvaliteta koje se radi po njemačkom zakonu iz 1516. godine o obaveznoj kvaliteti piva.



>Ko ZMAJ pije najslađe se smije!!!

“Kreativa marketing” je krajem godine, zaključno sa 31. decembrom, organizovala prva veću nagradnu igru za Zmaj pivo. Slaveći godišnjicu postojanja ZMAJ PIVO-NAŠE NACIONALNO PIVO širom BIH nagrađivali su svoje kupce. Nagrađivali su kupce sa fotografijom kupovine, računa, selfijem sa Zmaj pivom i kratkim video klipovima. Atraktivne nagrade biće dodjeljene najvernijim i najsretnijim kupcima 5. januara 2017. godine. Zanimljivost nagradne igre je i Zmaj patrola koja je kupce Zmaj piva “uhvaćene u kupovini” nagrađivala na licu mjesta.



Novi uspjeh, novi iskorak za pohvalu ali i obaveza prema sve većem broju konzumenata “Zmaj piva”, da se nastavi sa pokrenutim aktivnostima na promociji “Zmaj piva”, na distribuciji u cijeloj Bosni i Hercegovini, premda se pilo ovo pivo i među navijačima fudbalske reprezentacije u Grčkoj, da se nastavi sa jačanjem brenda, očuvanjem kvaliteta.



Pripremio: Dino Kalesić



Uspjeh firme članice Komore...

Priznanje za tradicionalni obrt “Aronija&Okanović”

Proizvodnja 100 % prirodnih sokova Aronije, Kupine i Jabuke



Porodična, dobro organizovana, na kvalitetu i profesionalizmu zasnovana firma Tradicionalni obrt “Aronija&Okanović” smještena je na obroncima planine Majevice. Kada se zna da je smještena, sa zemljištem i pogonima, na nadmorskoj visini iznad 700 metara, gdje je svjež i čist vazduh, onda je sasvim jasno zašto se u svakoj priči o ovoj firmi, pominje kvalitet. A kvalitet je vezan za ono čime se Okanovići bave, proizvodnjom 100 % prirodnih sokova. “Proces proizvodnje se odvija u objektu od 90m2 koji je napravljen po sistemu HACCAPT. Procesna oprema je od inox-materijala. Bavimo se proizvodnjom prirodnih sokova od Aronije, Kupine i Jabuke koje proizvodimo na vlastitim parcelama. U vlastitim pogonima sušimo voće i povrće, cijedimo, proizvodimo i pakujemo u našim pogonima sa savremenom opremom u boce od 750ml. Saradujemo sa Bingo kompanijom i veoma smo zadovoljni dosadašnjom saradnjom. Vršimo dostavu na širemo području Tuzlanskog kantona a trenutno naše proizvode kupci za sada mogu pronaći u Tuzli u Bingo objektima na stupinama, u Slavinovićima, na Slatini i Sjenjaku, u Maxi marketu Irac. Generalno, zadovoljni smo da možemo istaći kako uspješno poslujeemo i stvaramo preduslove da

u budućnosti ostvarimo naše poslovne planove. Planovi su vezani za proširenje proizvodnje. Zahvalni smo našim kupcima, konzumentima naših proizvoda što prepoznaju kvalitet, što nam ukazuju povjerenje a na taj način podržavaju domaću proizvodnju, otvaranje radnih mjesta”, istakao je Edin Okanović izvršni direktor firme Tradicionalni obrt “Aronija&Okanović”.



Kvalitet koji je spakovan u boce od 750ml nije moga ostati neprimijećen. Naime, kao članica Kantonalna privredne komore Tuzla, firma Tradicionalni obrt “Aronija&Okanović” učestvovala je u posljednje vrijeme na nekoliko značajnih sajamskih manifestacija. Kao sastavni dio tradicionalne sajamske postavke koju Komora organizuje pod nazivom “Privreda TK”, proizvodi od aronije, kupine i jabuke su predstavljeni na nedavno održanom jubilarom 20. po redu međunarodnom sajmu hrane i pića “Agros 2016” u Banjaluci. Posjetiocima sajma je organizovana je promocija i degustacija ovih proizvoda zabilježene su pozitivne reakcije. Stojalo se u redu kako bi se probali sokovi od aronije, kupine i jabuke, 100% prirodni sa oznakom “Aronija&Okanović”. Znali smo da je riječ o izuzetno kvalitetnim proizvodima no, nije zgoreg čuti analize onih koji su zaduženi za ocjenu kvaliteta. Komora je dostavile uzorke, zatražena je ocjena kvalitete od stručne komisije banjalučkog sajma, i odgovor je bio očekivan. Sve je i pored toga, obradovala izuzetno visoka ocjena stručne komisije i dodjeljena Plaketa za učešće i prezentaciju na sajmu. Firma “Aronija&Okanović” od sada kreće

u prikupljanje priznanja za kvalitet svojih proizvoda a i dalje opredjeljeni na prirodne sokove, modernu tehnologiju, profesionalan pristup, sve pod poznatom krilaticom “U zdravom tijelu, zdrav duh”, koja je ujedno i ideja vodilja, trajno opredjeljenje Okanovića u uzgajanju, proizvodnji i distribuciji aronije, kupine i jabuke.

Pripremio: Dino Kalesić





Nova članica Komore...

„Prima Sofa“ doo Donje Vukovije



U toku 2016. godine članstvo u Kantonalnoj privrednoj komori Tuzla potpisalo je nekoliko značajnih privrednih subjekata među kojima je i preduzeće „Prima Sofa“ d.o.o. Mnogima je poznato da je još od 2001. godne ovaj kolektiv prisutan na ovim prostorima pod nazivom „Jančev Mermeri“ d.o.o Tuzla. Nakon određenih promjena i dopuna, više od sedam godina posluje sa novim nazivom firme „Prima Sofa“ d.o.o. Donje Vukovije bb, Kalesija, gdje je sjedište firme. Veliki je to poslovni kompleks, užurbano se radi u proizvodnim halama, vrata upravne zgrade često se otvaraju, ulazi se izlazi, svi po već poznatim zadacima, dobro organizovani i vidno zadovoljni uposlenici. Njih ukupno 280 radi na proizvodnji namještaja za poslovne i prodajne prostore. **„To nam je osnovna djelatnost. Poslujemo u sklopu „Prima grupacije“, koja je u privatnom vlasništvu i trenutno je najveći proizvođač namještaja u Hrvatskoj. Bavimo se i maloprodajom a u okviru Grupacije posjedujemo 52 maloprodajna salona u Hrvatskoj, 5 salona u Makedoniji, te osam proizvodnih pogona uključujući „Prima Sofa“**

d.o.o”, rekao nam je Gadžo Almir direktor preduzeća „Prima Sofa“ d.o.o. Donje Vukovije koji je uz osnivače Renata Radića i Todora Jančeva te prokuristu Slavena Andrića, ovlašten za zastupanje firme. Tokom obilaska proizvodnih pogona u koji nas je vodila Azra Čaklovića i predstavila nam osnovne karakteristike firme, uvjerali smo se u visoku profesionalnost uposlenika, organizovanost na evropskom nivou, dobrih potvrdu velikih ulaganja u tehnološke procese. **„Uložili smo značajna sredstva u investicije krajem 2014. godine. Nabavili smo briketaru i četiri savremene sušare. Briket smo u toku 2015. godine prodavali za ino tržište a ove godine smo potpisali ugovor sa Hifom za čitavu 2017 godinu. Također, imamo isporuke našeg certificiranog briketa za Bingo d.o.o, Petrol i ostale domaće kupce. Povećali smo kapacitete briketa, organizovali rad u dvije smjene, radi potražnje na tržištu. Sušara je prvenstveno namijenjena sušenju daske za potrebe naših pogona, iako možem proužati i za druge kupce usluge sušenja”,** izjavio je direktor Gadžo. Sa znakom „Prima Sofa“ na tržištu je više od 50 modela tapaciranog namještaja, od klasičnih kauča, ležaja do savremenih sjedećih granitura, terpezarijskih klupa te 50 vrsta stolica. Široko je i tržište na koje se plasiraju ovi proizvodi a putem firme „Prima Namještaj“ d.o.o Zagreb, još jedne članice Grupacije. Impozantan je spisak renomiranih firmi koje za svoje prodajne salone uvoze proizvode „Prima sofa“ i širom Evrope. u „Mobelix“ i „Momax“ za tržište Austrije, Njemačke, Mađarske, „Lipo“ u Švicarskoj, „Kika“ za Mađarsku i Srbiju, „Emmezeta“ u Hrvatskoj, „Porta“ i „Otto“ u Njemačkoj te „Asko“ za Češku i Slovačku. Strateški dobavljač firme a opet dio grupacije je „Prima Commerce“ d.o.o Bjelovar, Hrvatska. Iz ove firme stiže veći dio repromaterijala: iverica, vijčana roba, mehanizmi, vdf ploče, folija, najlovi itd. Na domaćem tržištu se u znatnom obimu posluje sa firmom „Plama Pur BH“ d.o.o Kakanj kao glavni kupac spužve u BiH. Zavidna je saradnja sa još nekoliko domaćih firmi kao što su „Tehnograd“ d.o.o Modriča od kojeg nabavljaju dasku, „Sinkro“ d.o.o Sarajevo u nabavci štofa i „Prevenet Leather“ Sarajevo d.o.o koji za „Prima sofu“ šije presvlake.

Problema sa kojima se i u ovom privrednom subjektu susreću, sličnu su onima koji otežavaju poslovanje na ovim prostorima, prije svega nelojalna konkurencija, rad na crno u neregistrovanim pogonima, problem u nabavci sirovina, nedostatak školovanog kadra, konstanta potraga za radnicima i njihova prekvalifikacija, ne postojanje podrške vlasti putem podsticaja za izvoz. U očekivanju pomaka na bolje na području Tuzlanskog kantona sa novim Zakonom o šumama, snažno na trajnom opredjeljenju dizanja kvalitete a onda i produktivnosti, rukovodstvo firme planira razvoj, nove iskorake, nove investicije. **„Početkom 2017. godine nabavljamo nove mašine od ino dobavljača sa kojima ćemo povećati kapacitet proizvodnje. Dobićemo veću iskorištenost repromaterijala i kvalitet samog proizvoda, a ujedno ćemo usvojiti mogućnost izrade proizvoda po novim tehnologijama. Također, radimo rekonstrukciju postojeće lakirnice koja bi nam poboljšala sam proces tehnološke cijeline lakirnice u cilju stvaranje tehnoloških uvjeta za normalan rad prema zahtjevima struke. Proračun izvođača radova je da ćemo primjenom ove tehnologije u jednoj smijeni raditi 720 stolica, a trenutni kapacitet je 650-700 stolica u dvije smijene.**

Samim povećanjem kapaciteta proizvodnje planiramo i upošljavanje novih uposlenika za 2017 godine”, planovi su koje nam je otkrio direktor Gadžo. Kada uzmemo u obzir sve navedeno, onda ni najmanje ne čudi da su proizvodi „Prima Grupe“ na najznačajnijem evropskom sajmu namještaja „imm Cologne 2016.“, sajmu koji obiluje dizajnerskim rješenjima iz cijelog svijeta, oduševili brojne poslovne partnere, distributere i vlasnike najvećih trgovina namještajem. Na inovativnom štandu „Prima Grupe“ veličine 250m2, šestu godinu za redom, predstavljani su brojni proizvodi nove kolekcije za 2016. godinu. Kontinuirano ulaganje u razvoj asortimana, mladi dizajnerski tim, puno truda i mnoštvo novih ideja rezultirali su nizom funkcionalnih i modernih proizvoda vrhunske kvalitete kojim se iz dana u dan osvaja sve veći dio kolača koji se zove evropsko tržište.



D.K.



Iz poljoprivredne djelatnosti...

Na pomolu značajna investicija

Od ukupno 236 farmi na nivou FBiH, 86 na području TK-a - Uredne registracije i ispunjavanje obaveza

Peradarstvo kao grana primarne poljoprivredne proizvodnje spada u red najuređeniji grana u poljoprivredi, pa i u privredi uopšte, pošto su sve farme, od ukupno 236 na nivou FBiH a 86 na području TK-a, uredno registrovane u RPG nalaze se u, fiskalnom i PDV sistemu i prema državi u potpunosti ispunjavaju sve zakonom predviđene obaveze, poreze i sve ostale doprinose. U ovoj oblasti poljoprivredne proizvodnje i ovakvom uređenošću izostavljene su sve moguće manipulacije i bilo kakve zloupotrebe. Pored ostalih problema sa kojom se bori ova grana poljoprivrede veliki problem predstavlja segment čišćenja objekta. Članovi Udruženja si tragaajući za rješenjem problema, stupili u kontak sa italijanskom firmom BIOE, uspostavili prve kontakte, organizovali posjetu italijanske delegacije farmama, premijeru Tuzlanskog kantona i načelniku općine Gračanica.



Podrška Vlade potencijalnim investitorima

Potencijalna izgradnja tvornice organskog gnojiva na području našeg kantona bila je tema sastanka premijera Tuzlanskog kantona Bege Gutića i ministra razvoja i poduzetništva TK Nermin Hodžića sa predstavnicima Udruženja peradara u FBiH, Udruženja za poljoprivredu i prehrambenu industriju Kantonalne privredne komore Tuzla, te kompanija „Woodland“ iz Drvara i „BIO.E“ iz Italije. Ovom prilikom predstavnici poljoprivrednika podsjetili su na problem s kojim se ova grana poljoprivrede susreće, a odnosi se na čišćenje i deponovanje izmeta. Kao rješenje za ovu problematiku istakli su mogućnosti izgradnje tvornice za prerađivanje organskog gnojiva koja bi kao sirovinu koristila izmet od peradi iz lokalnih farmi. Sastanku su prisustvovali i predstavnici kompanija Woodland i Bio.E koje su zainteresirane za izgradnju ovog postrojenja. Kako je rečeno, ukupna vrijednost ove investicije je oko 5,7 miliona Eura, a otvorenje ove tvornice značilo bi i otvorenje novih 30-tak radnih mjesta. S obzirom da je od ukupno 236 farmi na području FBiH, njih 86 smješteno u našem kantonu, premijer Tuzlanskog kantona Bego Gutić izrazio je podršku realizaciji ovog projekta. „Opredjeljenje Vlade Tuzlanskog kantona jeste da podržava i potiče sve nove investicije i otvaranje novih radnih mjesta. Osim deklarativne i političke podrške tu su i brojni projekti, realizirani u proteklom periodu, koji pokazuju i našu konkretnu podršku i pomoć“, rekao je premijer Gutić te se zahvalio investitorima na iskazanom interesu. „Sve ono što je u nadležnosti djelovanja Vlade Tuzlanskog kantona naša podrška i pomoć su neupitni, a za sve ono što je u nadležnosti federalnih, državnih ili lokalnih nivoa vlasti, tu smo da vam budemo posrednik i partner“ zaključio je premijer Gutić.

Investitori iz Italije žele graditi fabriku organskog gnojiva u Gračanici

Kabinet načelnika Gračanice Nusreta Helića posjetili su predstavnici Udruženja peradara u FBiH, Udruženja za poljoprivredu i prehrambenu industriju Kantonalne privredne komore Tuzla, te kompanija „BIO.E“ iz Italije i „Woodland“ iz Drvara. Razlog posjete je potencijalna izgradnja tvornice za prerađivanje organskog gnojiva na području općine Gračanica. Ukupna vrijednost ove investicije je oko 5,7 miliona eura, a otvorenje ove tvornice značilo bi i otvorenje novih trideset radnih mjesta. Načelnik je upoznao potencijalne investitore da lokalna vlast podržava i potiče nove investicije kao i otvaranje novih radnih mjesta te da će svu dokumentaciju i dozvole koje su nadležnosti Općine efikasno izdati. Predstavnici kompanija su Gračanicu prepoznali kao prihvatljivu sredinu za ovu investiciju i sa stanovišta poslovnog ambijenta, resursa u peradarstvu te sa stanovišta ogromnih potencijala u sirovini koju bi koristila fabrika. Zajednička je ocjena da bi bilo dobro da se stvore uslovi da se fabrika gradi na području Općine Gračanica te će se zajedno sa peradarima tražiti odgovarajuća.



Uz Globalnu sedmicu poduzetništva...

Posjeta učenika preduzeću Imel d.o.o. Lukavac

Posjeta tehničara računarstva JU Mješovite srednje škole Lukavac - Istaknuta važnost praćenja savremenih trendova u IT sektoru



Predstavnici Ministarstva razvoja i poduzetništva Tuzlanskog kantona su sa učenicima trećih razreda smjer tehničari računarstva JU Mješovite srednje škole Lukavac posjetili preduzeće „IMEL” d.o.o. Lukavac. Posjeta je organizovana u okviru obilježavanja Globalne sedmice poduzetništva na Tuzlanskom kantonu za 2016. godinu. Vlasnik kompanije Izudin Čeliković dočekaio je učenike i profesora Mješovite srednje škole Lukavac i predstavio dosadašnji rad kompanije naglasivši pri tome važnost praćenja savremenih trendova u IT sektoru kao i želji i istrajnosti budućih poduzetnika da se bave poslom koji vole. Vlasnik „IMEL” d.o.o. Lukavac je iskoristio ovu priliku da pozove prisutne učenike da se prijave na besplatnu edukaciju koja će se u narednom periodu organizovati u okviru kompanije i koja će, pored stečenog znanja, uspješnim učenicima pružiti mogućnost zaposlenja u kompaniji, te i na ovaj način ukazao da su ljudski resursi najznačajniji resursi jedne kompanije. U sklopu posjete, predstavnici „Imel” d.o.o. Lukavac su organizovali i obilazak preduzeća i tom prilikom upoznali učenike sa radom razvojnog tima odnosno programera, ali i ostalim odjelima ove kompanije.

Posjeta preduzeću Solana d.d. Tuzla

Posjeta predstavnika Vijeća učenika i menadžmenta JU Turističko-ugostiteljska škola Tuzla - Prezentiran Muzej solarstva Muzej Fabrike soli Tuzla - Učesnicima predstavljen historijski razvoj proizvodnje soli na području Tuzle



U sklopu obilježavanja Globalne sedmice poduzetništva, Ministarstvo razvoja i poduzetništva Tuzlanskog kantona je organiziralo posjetu i preduzeću Solana d.d. Tuzla. U posjeti

su, pored predstavnika Ministarstva razvoja i poduzetništva, učestvovali i predstavnici Vijeća učenika i menadžmenta JU Turističko-ugostiteljska škola Tuzla. U sklopu posjete prezentiran je Muzej solarstva odnosno Muzej Fabrike soli Tuzla te učesnicima predstavljen historijski razvoj proizvodnje soli na području Tuzle. Također, učenici i drugi učesnici posjete upoznati su sa procesom proizvodnje soli te su imali priliku vidjeti jednu od najvećih investicija Solana d.d. Tuzla rinfuzno i visokoregalo skladište ove kompanije. Domaćin posjete bila je mr sc. Amira Brkić, dipl.ing.tehn., rukovodilac Sektora za upravljanje kvalitetom u Solana d.d. Tuzla koja je istakla zadovoljstvo iskazanim interesom za posjetu ovoj kompaniji te spremnost na dalju saradnju i podršku u razvoju svijesti o značaju privrede, domaćih proizvoda kao i poduzetništva. Također, istaknute su i različite mogućnosti za razvoj poduzetništva, između ostalih, osnivanje biznisa za proizvodnju proizvoda baziranih na soli, kao i sušenog povrća.

Pored podizanja svijesti o značaju poduzetništva i prednosti bavljenja poduzetništvom, bila je ovo i prilika da se učenici upoznaju sa domaćim proizvodima i značajem kupovine domaćih proizvoda, te da se upoznaju sa značajnim objektom kulturno-historijskog naslijeđa Tuzle i Tuzlanskog kantona.

D.K.



Iduće godine izgradnja TE Banovići...

Domaćim firmama kolač od 70 mil. EUR



Dugo najavljivani projekat izgradnje TE Banovići trebao bi zvanično početi u julu ili augustu iduće godine, potvrdio je u Tuzli u okviru održavanja Business Strategic Forum, direktor kompanije Munever Čerčić.

Kazao je kako će realizacija jednog od najvećih projekata u zemlji – izgradnja termoelektrane u Banovićima itekako doprinijeti daljem razvoju preduzeća, otvaranju novih radnih mjesta, proširenju postojećih kapaciteta.

Ugovorena vrijednost projekta koji će biti završen po sistemu “ključ u ruke” je 405 miliona eura. **“Od januara pregovaramo sa bankama, tako da je dogovoreno učešće kineske banke sa 85 posto. S obzirom da je Vlada Federacije BiH ranije dala svoju garanciju za projekat u narednih 15-20 dana od strane banke će biti pregledana i dokumentacija o sposobnosti budžeta Federacije BiH”**, kaže Čerčić, ističući kako očekuje da do kraja ove godine bude potpisan ugovor sa bankom, nakon čega se stvaraju uslovi za zvaničan početak projekta. U prvih šest mjeseci ističe će se raditi izvedbeni projekti, nakon toga slijedi pribavljanje građevinske dozvole, a potom građevinski radovi. Dogovorom je predviđeno da javne nabavke radi kineski partner, on će prikupiti po tri ponude. Također, jedan od dogovora jeste angažovanje domaće operative, posebno iz Tuzlanskog kantona. **“Prema dogovoru 20 posto od vrijednosti projekta treba pripasti domaćim kompanijama, što je u ovom slučaju 70 miliona eura. Iskustva iz TE Stanari govore da će to biti čak i više”**, zaključuje Čerčić. Inače, prema ranijim najavama tokom izgradnje TE Banovići očekuje se da će na terenu stalno biti angažovano oko 1.000 radnika, koji će graditi objekte. Plano je predviđeno da gradnja traje od tri do četiri godine.

Održana prva sjednica Kantonalnog odbora za razvoj



Nakon što je Vlada Tuzlanskog kantona formirala Kantonalni odbor za razvoj (KOR) kao savjetodavno koordinaciono tijelo u procesu planiranja, monitoringa, evaluacije i izvještavanja na kantonalnom nivou za period 2016-2020. godina, danas je održana i prva sjednica ovog tijela. Analizirajući status Strategije razvoja Tuzlanskog kantona za period 2016-2020. godina, konstatovano je da su u 2016. godini realizovane sve zacrtane obaveze. Istaknuto je da je Tuzlanski kanton jedini kanton koji je uradio prevod Strategije razvoja na engleski jezik, čime je ovaj dokument učinio dostupnim svim potencijalnim stranim partnerima i investitorima. Članovi Kantonalnog odbora za razvoj upoznati su sa sistemom za upravljanje razvojem u Tuzlanskom kantonu kroz analizu postojećeg stanja i preporuke za poboljšanje sistema. Takođe, prezentirani su inicijalni prijedlozi sadržaja, formata i elemenata izvještaja o razvoju Tuzlanskog kantona za 2016. godinu i akcionog plana implementacije Strategije razvoja Tuzlanskog kantona za period 2017-2019. godina, te usaglašeni koraci njihove pripreme. Podršku Vladi Tuzlanskog kantona u ovom procesu pružaju predstavnici Projekta integriranog lokalnog razvoja (ILDLP), zajedničke inicijative Vlade Švicarske i Razvojnog programa Ujedinjenih nacija (UNDP) u BiH.

D.K.



Vijesti iz privrede Tuzlanskog kantona...

Podrška bloku 7 državnog savjeta Kine za upravljanje javnim kompanijama



Predstavnici JP Elektroprivreda BiH dr.sci. Senad Salkić i Muhamed Ražanica izvršni direktori za kapitalne investicije i ekonomske poslove, Emir Aganović i Edib Bašić, savjetnici generalnog direktora i Goran Milošević sekretar Javnog preduzeća, razgovarali su sa delegacijom Državnog savjeta Kine za upravljanje javnim kompanijama koju je predvodio Yin Yisheng, zamjenik generalnog direktora. Kinesku delegaciju činili su i predstavnici China Gezhouba Group Company Limited (CGGC). Predstavnicima Državnog savjeta Kine iskazali su posebno zadovoljstvo saradnjom Elektroprivrede BiH sa China Gezhouba Group Company Limited (CGGC), a u okviru realizacije projekta Blok 7 450 MW u Termoelektrani Tuzla i izrazili spremnost za punu podršku i pomoć kako bi projekat od posebne važnosti za elektroenergetski sistem BiH, bio implementiran na zadovoljstvo obje države, JP Elektroprivreda BiH i kompanija uključenih u realizaciju projekta.

Tokom susreta razgovarano je i o načinima upravljanja privredom u BiH, osobito upravljanja u kompanijama poput JP Elektroprivreda BiH čiji je kapital u većinskom vlasništvu Federacije BiH. Državni savjet Kine upravlja poslovanjem 103 najveće kineske kompanije među kojima je i China Gezhouba Group Company Limited (CGGC), članica konzorcija koji će graditi Blok 7 u TE Tuzla.

Preduzeće TTU energetik d.o.o. Tuzla dobilo Upravu i Nadzorni odbor



U Tuzli je početkom decembra 2016.godine, održana Osnivačka Skupština Tvornice transportnih uređaja energetik d.o.o. Tuzla, privrednog društva čiji su osnivači JP Elektroprivreda BiH d.d. -Sarajevo i Rudnik mrkog uglja Banovići d.d. Banovići, zatim konstituirajuća sjednica Nadzornog odbora i prva sjednica Uprave Društva. Za predsjedavajućeg Osnivačke Skupštine na kojoj je usvojen Poslovnik o radu, donesen Statut i usvojena Odluka o određivanju naknada članovima Nadzornog odbora, izabran je dr.sci. Nevad Ikanović. Na Osnivačkoj Skupštini donesena je i Odluka o imenovanju Nijaza Čustović, dipl.inž.mašinstva i dr.sci Kemala Gutića za članove Nadzornog odbora u ime JP Elektroprivreda BiH d.d.-Sarajevo. Za člana Nadzornog odbora ispred RMU Banovići d.d. Banovići, imenovan je

Fertik Glibanović, dipl.pravnik. Nijaz Čustović izabran je za predsjednika Nadzornog odbora na konstituirajućoj sjednici na kojoj je usvojena Odluka o kriterijima za utvrđivanje plaća i drugih materijalnih prava članova Uprave i Odluka o imenovanju članova Uprave, mr.sci. Almira Zulića za direktora, mr.sci. Mustafe Avdića za izvršnog direktora za tehničke poslove i Razije Begić, dipl. ekonomistice za izvršnu direktoricu za funkcije potpore. Članovi Nadzornog odbora su dali i saglasnost na Poslovnik o radu Uprave, čime su stečeni uslovi za održavanje njene prve sjednice, usvajanje Poslovnika i utvrđivanje aktivnosti u vezi sa početkom rada Društva. Ugovor o formiranju privrednog društva Tvornica transportnih uređaja energetik d.o.o. Tuzla, predstavnici osnivača JP Elektroprivreda BiH d.d.-Sarajevo i RMU Banovići d.d. Banovići, potpisali su 13. oktobra 2016.godine. JP Elektroprivreda BiH d.d.-Sarajevo u osnivanje društva ulazi sa 80% vlasništva, dok će 20% osnovnog kapitala biti u vlasništvu RMU Banovići d.d. Banovići. Na Skupštini JP Elektroprivreda BiH, održanoj 6. decembra, usvojena je odluka o dokapitalizaciji ulaganjem u Tvornicu transportnih uređaja energetik d.o.o. (TTU energetik d.o.o. Tuzla) u vrijednosti od 6, 6 miliona KM, a sredstva su obezbijedjena Planom poslovanja JP Elektroprivreda BiH d.d. – Sarajevo za period 2016. - 2018. godina. Sljedeći korak je kupovina imovine preduzeća TTU d.d. (zemljište i objekti, oprema i inventar), za što je rapisan novi javni poziv.

D.K.



Agencijske vijesti...

Asim Bečić direktor Ureda Turističke zajednice TK

Vijeće Turističke zajednice TK-a imenovalo je Asima Bečića za direktora Ureda Turističke zajednice Tuzlanskog kantona. Bečić je izabran nakon javnog konkursa i prvi je direktor Turističkog ureda imenovan nakon usvajanja novog zakona o turističkim zajednicama. Bečić je diplomirani ekonomist, posjeduje veliko iskustvo u oblasti turizma, a imenovan je na četiri godine..

Investicija od 5 miliona KM u proizvodnju u Pivari Tuzla



Gradonačelnik Tuzle Jasmin Imamović i direktor Pivare Tuzla Fahrudin Salihović, presjecanjem vrpce pustili su u upotrebu objekat visokosofisticiranog skladišnog prostora za potrebe pivare, izgrađen u Gornjoj Tuzli. „Ljetos započeti radovi i investicija od 3.5 miliona KM, ovdje na ovom mjestu u Gornjoj Tuzli i u tuzlanskoj Pivari 1,5 miliona KM je ukupno 5 miliona konvertibilnih maraka investicija u proizvodnju. To je ono što je ovom gradu najpotrebnije, investiranje u proizvodnju i zapošljavanje. Ja čestitam osnivaču i vlasniku Pivare Tuzla, čestitam direktoru, ovo je lijepa vijest, 5 miliona konvertibilnih maraka investicija u razvoj BiH. Kad se pojavi investitor, mi sve radimo što je zakonom dopušteno, da stignemo investitora sa njegovom firmom, u pogledu dozvola i svega“, izjavio je gradonačelnik Tuzle Jasmin Imamović. Novih 2.500 kvadratnih metara skladišta će uveliko olakšati dalje uspješno poslovanje kao i obavljanje pratećih funkcija u procesu proizvodnje.

TK uradio akcioni plan koji bi mogao prepoloviti potrošnju energije



Realizacijom Akcionog plana za povećanje energijske efikasnosti u stambenom sektoru koji je izrađen za područje Tuzlanskog kantona prepolovljena bi bila energijska potrošnja. Tuzlanski kanton jedini je u Federaciji BiH uradio detaljnu studiju i presjek trenutnog stanja 973 kolektivna stambena objekta sa četiri i više stanova. Resorni ministar Hasan Fehratović smatra da se radi o jednoj od najvažnijih studija čija će primjena direktno rezultirati smanjenjem ukupne potrošnje energije u stambenom sektoru te smanjenjem zagađenja. “Ovo je šansa za sve, korisnike i stanare, ali i za građevinsku operativu i banke da kreditiraju utopljanje stambenih objekata”, rekao je ministar Fehratović. U Ministarstvu prostornog uređenja i zaštite okolice Tuzlanskog kantona danas je predstavnicima općina s područja TK-a predstavljen Akcioni plan. Planom je identifikovano trenutno stanje i date precizne smjernice za provođenje projekata i mjera energijske efikasnosti i korištenja obnovljivih izvora energije na nivou općina i Grada Tuzla, saopćeno je iz Ureda za zajedničke poslove organa TK-a.



Novosti u Konzum Family centru u Prijedoru...

Otvoren „Beko Shop“ u Prijedoru



Krajem novembra, otvoren je ekskluzivni Beko shop u Prijedoru, ulica Boška Buhe bb, u sklopu Konzum Family centra u Prijedoru. Beko shop otvara firma Omega d.o.o., koja je ekskluzivni zastupnik brendova Beko, Grundig i Blomberg za BiH. Ovo je prvi ekskluzivni Beko shop u Prijedoru, a 29-ti u BiH. Beko shop se prostire na površini od 162 m² prostora. Zaposleno je 4 mladih i perspektivnih ljudi. Ukupna investicija uložena u opremanje prostora je 60.000 KM. U ponudi ima preko 1000 različitih proizvoda. Pouzdanost, kvalitet u izradi, energetske učinkovitosti i velike vrijednosti, samo su neki od razloga koji su sve više i više presudni kod odabira Beko kućanskih aparata. Beko svake dvije godine na tržište lansira novitete. Beko je drugi po veličini brend u Evropi u sektoru bijele tehnike i predstavlja najbrže rastući brend na cjelokupnom evropskom tržištu u posljednjih sedam godina. Beko nudi asortiman pametnih rješenja da bi zadovoljio potrebe različitih ljudi, kultura i načina života u više od 100 zemalja širom svijeta, nudeći ekološki prihvatljive kućanske aparate koji štede energiju sa pametnom tehnologijom i stilizovanim dizajnom. Jedna od prednosti kod kupovine Beko uređaja jeste jaka servisna mreža, sa preko 50 ovlaštenih servisa u BiH. Besplatna dostava, unošenje u stan, kupovina sa popustima, beskametni krediti, kupovina na rate samo su neki od razloga zašto posjetiti Beko shop. Osim Beko proizvoda u Beko shopu se mogu naći i GRUNDIG proizvodi koji su svakako svima već dobro poznati, a polako se ovaj brand ponovo vraća i u našu zemlju sa sve većom ponudom televizora i elektronike. Na dan svečanog otvaranja Beko shopa Prijedor za prvih 50 kupaca pripremljeni su vrijedni pokloni kao i prvih 10 dana za sve kupce je obezbeđen popust od 5 % na kompletan asortiman. Kompanija Omega doo je prilikom otvorenja ovoga Beko shopa u Prijedoru, Udruženju roditelja djece s posebnim potrebama „Neven“ Prijedor obradovala novčanim bonom u vrijednosti 1.000 KM kako bi ispoštovali njihove potrebe i osigurali tehničku podršku u kućanskim aparatima koji će im djetinjstvo i odrastanje učiniti ljepšim i ugodnijim.



Održana tri sajama privrede u Konzum Family centru u Tuzli...

Konzum i Komora promovirali BH vrijednosti

Kantonalna privredne komore Tuzla u saradnji sa svojom članicom, trgovinskim lancem "Konzum BiH", uspješno je organizovala tri sajma privrede u Konzum Family centru u Tuzli, tri mjeseca za redom. Nastavak je ovo aktivnosti Konzuma BiH na pružanju podrške domaćim proizvođačima i dobavljačima, a što predstavlja znatan doprinos razvoju privrede u BiH. Realizovane aktivnosti su imale za cilj razvijanje poslovnih aktivnosti i porast privrednih aktivnosti na području Tuzlanskog kantona kao i pozitivni utjecaj na stvaranje poduzetničke klime. Konzum BiH sa svojim dugogodišnjim poslovanjem u našoj zemlji kao i kontinuiranom podrškom domaćim proizvođačima i dobavljačima, dao je znatan doprinos razvoju privrede u BiH, te svakako zaslužuje svoje mjesto među značajnijim firmama članicama Kantonalne privredne komore Tuzla. Zajednički su realizovane aktivnosti koje bi zasigurno trebale doprinijeti kvalitetnijem promoviranju najboljih bh vrijednosti. Na sve tri manifestacije za posjetioce su pripremljeni zanimljivi sadržaji, promocije i druženja. Na ovaj način je i Konzum Family centru u Tuzli u dane vikenda dobio i drugu dimenziju i postao centar razmjene poslovnih ideja a ujedno i ugodno mjesto za boravak i kupovinu čime se i dolazi do krajnjeg cilja a to je zadovoljan kupac. Saradnja Komore i "Konzuma BH" dokazala se opravdanom, zadovoljila očekivanja i zasigurno su stvoreni uslovi za nastavak kvalitetne saradnje i u narednom periodu.

D.K.



Vijesti iz komorskog sistema...

90. Svečana sjednica GV HGK – ŽK Virovitica

U Hrvatskoj gospodarskoj komori – Županijskoj komori Virovitica, je održana 90. svečana sjednica Gospodarskog vijeća, na kojoj je promovirana jubilarna 20. publikacija „Karakteristike gospodarstva Virovitičko-podravške županije u 2015. godini“ i na kojoj su dodijeljena i priznanja HGK – Županijske komore Virovitica, najuspješnijim tvrtkama na području Virovitičko-podravške županije, u 2015. godini.



Promocija jubilarne, 20. publikacije „Karakteristike gospodarstva Virovitičko-podravške županije u 2015. godini“

Publikaciju je uredio i pripremio Milan Vandura, direktor HGK – Županijske komore Virovitica, sa višim stručnim suradnicama Suzanom Kolesarić i Andreom Poslek, te stručnom suradnicom, Renatom Vondra. U ime izdavača potpisuje se Ivan Slamić, predsjednik HGK – Županijske komore Virovitica, a recenziju je obavio jedan od ponajboljih hrvatskih makroekonomista mr.sc. Zvonimir Savić, direktor Sektora za financijske institucije, poslovne informacije i ekonomske analize HGK Zagreb.

U publikaciji su, na 119 stranica, objavljena ukupno 7.407 podataka, od kojih je 3.572 izvornih podataka (48,22%), 3.835 izvedenih podataka (51,78%), te 111 tabela, i 74 grafikona. Svi podaci u publikaciji sadržani su u sedamnaest poglavlja: opći podaci, infrastruktura, stanovništvo, zaposlenost, nezaposlenost, plaće bruto i neto,

poslovni rezultat gospodarstva, insolventnost, vanjskotrgovinska razmjena, investicije, poljoprivreda, industrija, trgovina, šumarstvo, graditeljstvo, financijska aktivnost i turizam.

Dodijeljena i priznanja HGK – Županijske komore Virovitica, najuspješnijim tvrtkama na području Virovitičko-podravške županije, u 2015. godini

Na sjednici su dodijeljena i priznanja HGK – Županijske komore Virovitica, najuspješnijim tvrtkama na području Virovitičko-podravške županije, u 2015. godini. Priznanje „Zlatnu kunu“ dobile su tvrtke: Agroduhan iz Slatine, te Brana i Degal tehnika iz Virovitice. Priznanje „Kristalnu kunu“ dobile su tvrtke Hrvatski duhani iz Virovitice i Herbarium iz Pitomače. Priznanja su uručili Ivan Slamić, predsjednik HGK – Županijske komore Virovitica i Ivan Škorić, potpredsjednik HGK za poljoprivredu, šumarstvo i ribarstvo.



Banke će članarinu za PKS plaćati 1.500 EUR

Reformisana Privredna komora Srbije će od iduće godine početi da funkcioniše u punom kapacitetu, a obavezna članarina biće smanjena na najniži mogući nivo. To je u Tanjug izjavio predsjednik PKS Marko Čadež. Obavezna članarina će, kako je ranije najavljeno, biti od četiri do 20 puta niža, a oko tri četvrtine preduzeća biće oslobođeno plaćanja. Čadež je na današnjoj zajedničkoj sjednici novih odbora za bankarstvo i osiguranje objasnio da je stari obračun članarine bio neodrživ, da su najveće banke, plaćajući na više mjesta republičkoj i regionalnim komorama, na ime komorskog doprinosa godišnje izdvajale i do 200.000 evra. “Maksimalna

komorska članarina za banke (koje inače spadaju u kategoriju članica sa najvećim poslovnim prihodom) ubuduće će biti oko 1.500 evra mjesečno, što je i do 11 puta manje nego sada”, naveo je Čadež. Prema njegovim riječima, prosječna članarina osiguravajućih kuća i banaka biće po novom obračunu između četiri i šest puta manja. Čadež je objasnio da će u okviru jedinstvenog komorskog sistema – jedinstvene PKS funkcionisati svi 16 regionalnih privrednih komora. On je rekao da su novi odbori za bankarstvo i osiguranje formirani u postupku usaglašavanja organizacije PKS sa novim Zakonom o privrednim komorama i Statutom PKS. Čadež je podsjetio da je PKS po novom zakonu dužna da da mišljenje prilikom donošenja zakona i drugih propisa, ali i da ih prethodno usaglasi sa svojim članicama. “PKS, kao asocijacija koja okuplja i zastupa cijelu privredu, kompanije iz realnog ili finansijskog sektora, najbolje je mjesto za sinergiju aktivnosti i dijalog kompanija iz svih poslovnih segmenata”, naveo je Čadež. To uključuje, istakao je Čadež, identifikovanje potreba privrede za novim bankarskim proizvodima i uslugama osiguranja, promociju finansijskih usluga namjenjenih poslovnoj zajednici, kao i udruženi nastup na zajedničkom poslu povećanja izvoza i osvajanja novih tržišta.

D.K.



Najava sajamskih manifestacija...

“Viroexpo 2017” od 24. do 26. februara u Virovitici

Imenovan Odbor za pripremu i održavanje – Nova lokacija: središte Virovitice



Uz predsjedavanje direktora Viroexpa Igora Androvića, održan je sastanak Organizacijskog odbora Viroexpa 2017. koji će se od 24. do 26. februara 2017. godine održati u Virovitici. Na sjednici je prihvaćen predloženi sastav Organizacijskog odbora u kojem će biti: Sanja Bošnjak (predsjednica), Ivica Kirin (zamjenik predsjednice), Ivan Slamić (zamjenik predsjednice), Ivan Kostelac (zamjenik predsjednice), te članovi: Igor Andrović, Zdravko Dijaković, Jasna Abramović, Milan Vandura, Božidar Jeremić, Krešimir Kovačević, Martina Jakelić, Matija Mustać, Sanja Kirin, Đurđa Aragović, Željko Iharoš, Katarina Đurđević, Emina Kovač, Suzana Kolesarić, Kristijan Toplak. – Počeli smo s organizacijskim pripremama za Viroexpo 2017. Razgovarali smo o modalitetu organizacije sajma za iduću godinu, zemlji partneru i ostalim zemljama i izlagačima koji se već sada javljaju i pokazali su velik interes za nastup na našem sajmu. Viroexpo predstavlja skladnu simbiozu svih dionika koji sudjeluju u organizaciji ove manifestacije koja je kroz sve ove godine postala prepoznatljiv brand i Virovitičko-podravške županije grada Virovitice, ali i Hrvatske stvarajući čvrste veze između gospodarstvenika s područja naše zemlje ali i šire – kazao je Igor Andrović direktor Viroexpa. Organizatori i pokrovitelji 22. Viroexpo-a će biti: Virovitičko-podravška županija, Grad Virovitica, HGK – Županijska komora Virovitica, HOK – Obrtnička komora Virovitičko-podravške županije, Turistička zajednica Virovitičko-podravške županije.

Nova lokacija u središtu Virovitice

Na sjednici Odbora za pripremu i održavanje Viroexpa odlučeno je kako će se Viroexpo 2017. održati u središtu Virovitice na prostoru bivše vojarnje, gdje se danas nalazi Visoka škola za menadžment u turizmu i informatici u Virovitici. Sajam će se održavati od 24. do 26. veljače 2017. godine. – Donesen je jedan značajan zaključak da će se Viroexpo 2017. održati na novoj lokaciji budući da je stara lokacija zauzeta, jer se tamo nalazi tvrtka Contorte. Tako ćemo Viroexpo još više približiti i građanima i posjetiteljima – istaknuo je Igor Andrović, direktor Viroexpa, koji je predsjedavao sjednicom Odbora na kojoj su, između ostalih bili i obnašatelja dužnosti župana Sanja Bošnjak i gradonačelnik Grada Virovitice Ivica Kirin. Posljednjih nekoliko godina, Viroexpo se održavao na prostoru u Vukovarskoj ulici. S obzirom na to da se u navedenom prostoru nalazi tvrtka Contorte, prišlo se pronalaženju nove lokacije i odlučeno je kako će ona biti na prostoru gdje se danas nalazi Visoka škola za menadžment u turizmu i informatici. Na ovaj način, sajam će postati još dostupniji posjetiteljima, s lokacijom u središtu grada, a sa svom postojećom infrastrukturom. Naime, na istom prostoru se nalazi Studentski restoran „Škola“, a stručna predavanja održat će se u prostoru Visoke škole. Radi se o multifunkcionalnom prostoru, s brojnim parkirališnim mjestima i lakom dostupnošću za sve posjetitelje.

21. Sajam građevinarstva “Grames” Banjaluka, 15-18.3.2017.




Već 21. put početak građevinske sezone obilježava Grames sajam građevinarstva. Na sajmu će svoje mjesto naći najprestižnije kompanije iz svijeta građevinarstva, elektro i mašinske sfere poslovanja ali po prvi put i svijet dekora i dizajna, kao prirodna nadogradnja u izgradnji. Cilj nam je na sajmu napraviti mjesto okupljanja te smo planirali po prvi put Business-to-business (B2B) sastanke gdje bi investitori direktno sa izvođačima pregovarali o poslovima u predstojećoj sezoni. Sajam koji se održava od 15. do 18. marta 2017. godine a čiji je organizator “Sajam” doo, održava se na Banjalučkom velesajmu i nudi novosti iz oblasti: oprema za građenje, skele i merdevine, nosači i oplata, pregradni zidovi i plafoni, projektovanje, inženjering, izgradnja i rekonstrukcija, oprema za radionice, roletne, trakaste zavese, venecijanerij, građevinska mehanizacija, mašine i uređaji, zaštitna oprema, beton, cement, armatura, betonski proizvodi, mermer, granit, kamen, keramičke i granitne pločice, opeke i blokovi, crijevi, tegola i ostali krovni pokrivači, staklo i staklene fasade, sanitarna oprema, san. armature, namještaj za kupatila, cijevi, instalacije i kanalizaciona oprema, građevinske konstrukcije i profili, uređenje enterijera, podne i zidne obloge, montažni objekti, vrata i prozori, kapije i ograde, drvena stepeništa, parket, lamperija, grada, osvjetljenje ...

D.K.



THE CHAMBER OF ECONOMY OF TUZLA CANTON



TUZLA CANTON

Your Business Partner

